



王氏畫苑
歷代名畫記
卷之三

子 3
1987
12



門子 3
流
卷

明倫彙編
家範典

歷代名畫記卷第三

唐河東張彥遠撰

敘自古跋尾押署

前代衙府自晉宋至周隋收聚圖畫皆未行印記但
備列當時鑒識藝人押署

宋

袁則

袁清

陸綏

齊

劉瑱

毛惠遠

梁

沈熾文

唐懷允

徐僧權

孫子真

庾於陵

法象

徐湯

孫達

姚懷珍

范胤祖

江僧寶

滿騫

陳延祖

顧操

陳

杜僧譚

黃高

北齊

丁道矜

隋

江總

姚察

朱异

何妥

大業年月日

奉勅

開皇年月日

內史薛道衡署名跋尾

亦有開皇年月日

參軍事學士諸葛穎諮議參軍開府學士柳顧言釋智果

唐朝武德初秦王府跋尾

主簿上開府薛收文學褚亮亦有褚亮下更署虞世

南姓名

貞觀中褚河南等監掌裝背並有當時鑒識人押署

跋尾官爵姓名貞觀十一年月日

兵曹史樊行整裝合若干紙宣義郎

行參軍李德穎數功曹參軍金川縣開國男平儼典司馬行相州都督府司馬蘇勗監銀青光祿大夫行

黃門侍郎扶風縣
開國男常授監

十二年月日 題署同

十三年月日 將仕郎直弘文館臣王行直裝起居郎

無忌開府儀同三司尚書左僕射太子少師梁國公

臣玄齡特進尚書右僕射申國公臣士廉特進鄭國

公臣徵吏部尚書臣君集犯法後亦有楷却處中書

令駙馬都尉安德郡開國公臣楊師道左衛太將軍

武陽縣開國公臣李大亮光祿大夫民部尚書莒國

公臣唐儉光祿大夫禮部尚書河間郡王臣孝恭刑

部尚書彭城縣開國公臣劉德威兼太常卿扶風縣

開國男臣韋挺少府監安昌縣開國男臣馮長命銀

青光祿大夫行尚書左丞濟陽縣開國男臣唐

皎亦有不署馮長命唐皎二人官爵姓名者

十四年月日 將仕郎直弘文館臣張龍樹裝某官士

廉某官徵某官楊師道起居郎臣褚遂

良亦有蔡臣偽裝其玄齡士廉魏徵師道君集官爵

姓名並同師道後有左屯衛大將軍上柱國通川縣

開國男臣
姜行本

十五年十六年月日 文林郎臣張龍樹裝行起居郎

官爵並同上房玄齡 臣褚遂良楊師道魏徵房玄齡

後無已十人姓名 守黃門侍郎褚遂良監亡他

十七年十八年月日 人官爵姓名是開元中割却

十九年月日 褚遂良監亡他人官爵

開元中玄宗購求天下圖書亦命當時鑒識人押署

跋尾劉懷信等亦或割去前代名氏以已等名氏代

之開元五年月日 陪戎副尉王思忠裝亦有張龍樹

王知逸監宣義郎行左司禦率府錄事參軍臣劉懷

信監十年賜名匪於宣義郎行左驍衛率府倉曹參

軍臣陸元梯監後至十一年為給事中賜名堅直集

賢承議郎行左金吾衛長史臣魏哲監左散騎常侍

崇文館學士上柱國舒國公臣褚無量開府儀同三司上柱國梁國公臣姚崇秘書監侍讀昭文館學士上柱國常山縣開國公臣馬懷素銀青光祿大夫行中書侍郎同中書門下平章事監修國史上柱國許國公臣蘇頲銀青光祿大夫守吏部尚書兼侍中監脩國史上柱國廣平郡開國公臣宋璟

十年月日

王忠忠裝同上使承議郎守殿中丞知中尚書作事安昌縣開國男臣馮紹正使朝

議大夫校檢少府監臣陳義

十五年月日

王府大農李仙舟裝背內使尹奉祥監是集賢書院書畫

建中十年月日

臣賀遂奇劉逸江等檢校副使掖庭令如蘭芳副使內寺伯臣宋遊環

已上跋尾押署書畫多同此例今略舉大例言之餘不具載

敘古今公私印記

太宗皇帝自書貞觀二小字作二小印

貞觀

玄宗皇帝自書開元二小字成一印

開元

又有集賢印秘閣印翰林印

各以判司所收掌圖書定印

翰林之印

又有弘文之印恐是東宮舊印印書者其印至小

弘文之印

更有元和之印恐是官印多印搨本書畫

元和之印

諸好事家印有東晉僕射周覲印古小雌字

周覲

又有梁朝徐僧權印

徐

唐朝魏王泰印

魏王泰

太平公主駙馬武延秀玉印胡書四字梵音云三藐

母馱

三藐母馱

故潤州刺史贈左散騎常侍徐嶠之印東海

嶠之子吏部侍郎會稽郡公徐浩浩子璿印會稽

議郎竇蒙印竇蒙蒙弟范陽公曹竇泉印竇泉

延王友竇永二小字印軌飛

金部郎中劉繹印彭城侯

起居舍人李造印陶安

鄂州司馬張懷瓘弟盛王府司馬懷環印張氏

劍州司馬劉知章印劉氏

光祿大夫中書令上柱國趙國公鍾紹京印書印

彥遠高祖中書令河東公印河東張氏

曾祖相國魏國公印烏石

祖相國高平公二字小印鵠瑞

又有鵠瑞二字同為一印鵠瑞

故相國司徒汧國公李勉印李氏

汧國公之子兵部員外郎李約印約

又故相趙國公李吉甫印贊皇

故御史大夫黎幹印黎氏

故桂州觀察使蕭祐印蕭

故相國晉公韓滉印滉

故相國鄴侯李泌印鄴侯

故犯法人宰相王渥印 永存 珍秘

僕射馬總 馬氏 圖書

宣州長史周昉印 周昉

劍州刺史王朏印 王朏

張敦簡印 齊臣 常山之印

已上諸印記千百年可為龜鏡

又別有 軍侯 文國 益 萬古 田氏 倚欒 歸至 軍司 劉鄭 准未 司馬 已上並未尋討去

處皆是鑒賞寶玩之家印記並可為驗證 蕭公 溫氏 揚模 書印 之印 印信

又有褚氏印非褚河南之印也 褚氏 經文 書 永福 印信 此外更有

諸家印署皆非鑒識但偶獲圖書便即印之不足為

證驗故不具錄若不識圖畫不煩審驗印記雖然自古及近代御府購求之家藏蓄傳授閱玩其人至多是以要明跋尾印記乃是書畫之本業耳

論裝背標軸

自昔代已前裝背皆不佳宋時范曄始能裝背宋武帝時徐爰明帝時虞龢巢尚之徐希秀孫奉自編次圖書裝背為妙梁武帝命宋昇徐僧權唐懷充姚懷珍沈熾文等又加裝護國朝太宗皇帝使典儀王行真等裝褫起居郎褚遂良校書郎王知敬等監領凡圖書本是首尾完全著名之物不在輒議割截移改

之限若要錯綜次第或三紙五紙三扇五扇又上中下等相揉雜本亡銓次者必宜與好處為首下者次之中者最後何以然凡人觀畫必銳於開卷懈怠將半次遇中品不覺畱連以至卷終此虞龢論裝書畫之例於理甚暢凡煮糊必去筋稀緩得所攪之不停自然調熟余往往入少細研薰陸香末出自拙意永去蠹而牢固古人未之思也汧國公家背書畫入少蠟要在密潤此法得宜

趙國公李吉甫云背書要黃硬余家有數帖黃硬書都不

堪也候陰陽之氣以調適秋為上時春為中時夏為下

時暑濕之時不可用勿以熟紙背必皺起宜用白滑

漫薄大幅生紙紙縫先避人面及要節處若縫縫相當則緩急卷舒有損要令參差其縫則氣力均平太硬則強急太薄則失力絹素彩色不可擣理紙上白畫可以砧石妥帖之宜造一大平案漆板木界制其曲直古畫必有積年塵埃須用阜茨清水數宿漬之平案扞去其塵垢畫復鮮明色亦不落補綴擡策油絹襯之直其邊際密其隙縫端其經緯就其形制拾其遺脫厚薄均調潤潔平穩然後乃以鏤沈檀為軸首或裹鼈束金為飾白檀身為上香潔去蟲小軸白玉為上水精為次琥珀為下大軸杉木漆頭輕圓最

妙前代多用雜寶為飾易為剝壞故貞觀開元中內
府圖書一例用白檀身紫檀首紫羅標織成帶以為
宮畫之標或者云書畫以標軸賈害不宐畫飾余曰
裝之珍華裒之藻繡緘滕蘊藉方為宐稱其古之異錦具李章武所集錦譜必若大盜至焉亦何計寶惜梁朝大聚圖書
自古為盛湘東之敗烟焰漲天此其運也况乎私室
寶持子孫不肖大則胙篋以遺勢家小則舉軸以易
朝饌此又時也亦可嗟乎

記兩京外州寺觀畫壁

畫壁在人家者

西京寺觀等畫壁

太清宮

殿內絹上寫
玄元真是吳

薦福寺

天后飛
白書額

淨土院門外兩邊吳畫神鬼南邊

神頭上龍為妙

西廊菩提院吳畫維摩詰行變

律院北廊張瑑畢宏畫

西南院佛殿內東壁及

廊下行僧並吳畫不了

興善寺殿內壁畫至妙失人姓名

按裴錄云此寺
有劉焉畫恐是

西南舍利塔內曹畫西面尹琳畫

東廊從南第

三院小殿柱間吳畫神工人裝損

三藏院閣畫

至妙失人名

慈恩寺塔內面東西間尹琳畫西面菩薩騎獅子東面騎象 塔下南門尉遲畫西壁千鉢文殊尉遲畫 南北兩間及兩門吳畫并自題 塔北殿前 窗間吳畫菩薩殿內楊庭光畫經變色損 大殿 東軒廊北壁吳畫未了舊傳是吳細看不是 大 殿東廊從北第一院鄭虔畢宏王維等畫 入院 北壁二神甚妙失人名 兩廊壁間閻令畫中間 及西廊李杲奴畫行僧 塔之東南中門外偏張 孝師畫地獄變已剝落 院內東廊從北第一房 間南壁常鑾畫松樹 大佛殿內東壁好失畫人

名 中三門裏兩面尹琳畫神

龍興觀大門內吳畫神已摧剝 殿內東壁吳畫明 真經變 北面從西第二門董諤白畫

唐安寺塔下尹琳李真畫 北堂內西壁朱審畫山 水

光宅寺東菩薩院內北壁東西偏尉遲畫降魔等變 殿內吳生楊廷光畫又尹琳畫西方變

玄真觀殿內玄元及侍真座上陳靜心畫樂天及神 殿內外程雅陳靜心畫

資聖寺

殷仲容題額

檀章畫中三門東窗間

南北面

吳畫高僧 大三門東南壁姚景畫經變 寺西門直西院外神及院內經變楊廷光畫 北圓塔下李真尹琳絹畫菩薩

寶刹寺佛殿南楊契丹畫涅槃等變相

與裴錄同據裴錄亦有鄭

畫今不見也

西廊陳靜眼畫地獄變又有楊廷光畫

興唐寺三門樓下吳畫神 東殿般若院楊廷光畫

山水等 西院韓幹畫一行大師真徐浩書讚又

有吳生周昉絹畫 中三間內東西偏兩壁尉遲

畫 殿軒廊東西南壁吳畫

淨土院董諤尹琳楊垣楊橋畫 院內次北廊向東

塔院內西壁吳畫金剛變工人成色損 次南廊

吳畫金剛經變及郝后等并自題 小殿內吳畫

神菩薩帝釋西壁西方變亦吳畫 東南角吳弟

子李生畫金光明經變 講堂內楊廷光畫

菩提寺佛殿內東西壁吳畫神鬼西壁工人布色損

佛殿壁帶間亦有楊廷光白畫 殿內東西北壁

並吳畫其東壁有菩薩轉目視人法師文淑無何

令工人布色損矣 東壁董諤畫本行經變 佛

殿上拘欄耿昌言畫水族 佛殿內東壁楊廷光

畫 據西京記合有鄭畫今亡

萬安觀公主影堂東北小院南行屋門外北壁李昭
道畫山水

淨域寺

據裴畫錄此寺有孫尚子畫今不見

三階院東壁張孝師畫地獄杜懷亮書牘子 院門

內外神鬼王韶應畫王什書牘子

王什杜懷亮書人罕知有書迹

甚高似鍾書

景公寺東廊南間東門南壁畫行僧轉目視人 中

門之東吳畫地獄并題 西門內西壁吳畫帝釋

并題次 南廊吳畫 三門內東西畫至妙失人

名

青龍寺中三門外東西王韶應畫 殿上東西相向

一二神吳生畫

安國寺東車門直北東壁北院門外畫神兩壁及梁

武帝郗后等並吳畫并題 經院小堂內外並吳

畫 西廊南頭院西面堂內南北壁并中三門外

東西壁梵王帝釋並楊廷光畫 三門東西兩壁

釋天等吳畫工人成色損 東廊大法師院塔內

尉遲畫及吳畫 大佛殿東西二神吳畫工人成

色損 殿內維摩變吳畫 東北涅槃變楊廷光

畫 西壁西方吳畫工人成色損 殿內正南佛

吳畫輕成色

開元觀西廊院天尊殿前龍虎君明真經變及西壁並楊廷光畫門西牕上下楊仙喬畫

雲花寺小佛殿有趙武端畫淨土變西廊北院門上北面王知慎畫

寶應寺多韓幹白畫亦有輕成色者佛殿東西二

菩薩亦幹畫工人成色損西南院小堂北壁張

皞畫山水院南門外韓幹畫側坐毗沙門天王

北下方西塔院下邊鸞畫牡丹

咸宜觀三門兩壁及東西廊並吳畫殿上牕間真

人吳畫殿前東西二神解倩畫殿外東頭東

西二神西頭東西壁吳生并楊廷光畫牕間寫真及明皇帝上佛公主等圖陳閔畫

永壽寺三門裏吳畫神

千福寺在安定坊會昌中毀寺後却置不改舊額寺額上官昭容書毀寺後有

僧收得再置却懸之中三門外東行南太宗皇帝撰聖教序

弘福寺沙門懷仁集王右軍書西行楚金和尚法華感應碑顏魯公書

徐浩題額碑陰沙門飛錫撰吳通微書

東塔院額高力士書涅槃鬼神楊惠之畫門屋下内外面楊廷

光白畫鬼神并門屋下兩面四五門

西塔院玄宗皇帝題額 北廊堂內南嶽智顛思大

禪師法華七祖及弟子影弟子壽王主簿韓幹筆

撰頌繞塔板上傳法二十四弟子盧稜伽韓幹畫

并書塔北普賢菩薩鬼神似是尹琳畫相傳云

吳生貌塔院門兩面內外及東西向裏各

四間吳畫鬼神帝釋極妙 塔院西廊沙門懷天

師真韓幹畫此東塔玄宗感夢置之 楚金真吳

畫彌勒下生變韓幹正畫院門北邊碑顏魯公

撰南邊碑張芬向裏面壁上碑吳通微書造塔人

木匠李石作張愛石井欄篆書李陽水書石東閣

肅宗置面東碑韓釋木天台智者大師碑張芬佛

殿東院西行南院殿內有李綸畫普賢菩薩

崇福寺武后西庫牛昭王陀子畫山水 東山亭劉

整畫山水 西庫門外西壁神吳畫自題

化度寺殷仲容楊廷光楊仙喬畫本行經變盧稜伽

畫地獄變今殘兩頭少許耳

溫國寺淨王院尹琳畫三門內吳畫鬼神南北牕門

畫神失人名

定水寺王羲之題額殿內東壁北二神西壁三帝釋

並張僧繇畫從上元餘七神及下小神並解倩畫

殿內東壁孫尚子畫維摩詰其後屏風臨古迹帖亦妙 中間亦孫尚子畫東間不是孫亦妙失人名 內東西壁及前面門上並似展畫甚妙前面有三圓光皆突生壁牕間菩薩亦妙

奉恩寺中三門外西院北尉遲畫本國王及諸親族次塔下小畫亦尉遲畫此是尉遲乙僧宅

龍興寺佛殿鄭法輪畫

懿德寺三門下兩壁神中三門東西華嚴變並妙

三門西廊陳靜眼山水 大殿內畫極妙失人名

勝光寺西北院小殿南面東西偏門上王定畫行僧

及間間菩薩圓光 三門外神及帝釋楊仙喬畫

三門北南廊尹琳畫 塔東南院周昉畫水月觀

自在菩薩掩障菩薩圓光及竹並是劉整成色

西明寺

玄宗朝南薰殿學士劉子臯書額

入西門南壁楊廷光畫神

兩舖成色損 東廊東面第一間傳法者圖讚禡

遂良書第三間利防等第四間曇柯迦羅並歐陽

通書 寺東崇福寺壁陳積善畫山水 三階院

蔡金剛范長壽畫

淨法寺殿後張孝師畫地獄變 東壁范長壽畫

孝源錄同西壁亦妙失人名

空觀寺本周時村佛堂遶壁當時名手畫佛堂在寺
東廊南院佛殿南面東西門上袁子昂畫又有三
絕是佛殿門扇孔雀及二龍

崇聖寺西殿董伯仁畫 東殿展子虔畫 展畫與西

北鄭德文畫

淨景寺 殷仲容題額

濟度寺 殷仲容題額

玄都觀殿內范長壽畫

海覺寺 歐陽詢題額 三門內王韶應畫小殿前面董畫像

雙林塔西面展畫後面云是鄭畫尤妙 西南院

門北壁畫神失名甚妙或云鄭法士

壽果寺殿內畫甚妙失人名

紀國寺西禪院小堂鄭法輪畫甚粹

褒義寺殿後東西畫似是王定 佛殿西壁涅槃變

盧稜伽畫自題 西禪院殿內杜景祥王允之畫

大雲寺東浮圖北有塔俗呼為七寶塔隋文帝造馮

提伽畫車馬并帳幕人物已剝落又東壁北壁鄭

法輪畫西壁田僧亮畫外邊四面楊契丹畫本行

經 據裴錄此寺亦有展畫其田楊鄭並同 塔東叉手下畫辟邪雙目

隨人物轉盼 三階院西下曠野雜獸似是張孝

師 西南淨土院遶殿僧至妙失人名

永泰寺殿及西廊李雅畫聖像 東廊懸門楊契丹

畫 東精舍鄭法士畫滅度變相

總持寺門外東西吳畫成色損 佛殿內西面孫尚

子畫 三藏院小佛殿內四壁尹琳李昌畫 堂

內李重昌畫恩大師影

莊嚴寺 兩寺並般 南門外白番神尹琳畫 中門外

東西盧稜伽畫兩壁甚大 秘書省薛稷畫鶴賀

知章題詩在東秘書廳廊餘令畫鳳在書閣柱上

都不成畫不堪觀先亦有小山水在書閣上今已

無御史臺殿中廳吳畫山水據其畫跡不是吳又

蕭桂州祐畫山水將作監劉整畫山水太常寺太

卿後廳梁洽畫山水

禪定寺 裴孝源畫錄云

西禪寺 裴孝源云有

開業寺 裴錄云有曹仲達李

清禪寺 裴錄云有

延興寺 裴錄云有鄭

已上上都

東都寺觀等畫壁

福先寺三階院吳畫地獄變有病龍最妙 寺三門

兩頭亦似吳畫 係本寺三階院

天宮寺三門吳畫除災患變板上二菩薩張僧繇畫

從江南移來

長壽寺門裏東西兩壁鬼神吳畫 佛殿兩軒行僧

亦吳畫 菜園精舍內王韶應畫

敬愛寺 據裴孝源畫錄云有孫尚子畫彥遠按敬愛寺是中宗皇帝為高宗武后置孫尚子是隋朝畫手裴君所記為謬矣 佛殿內菩薩樹下彌勒菩薩塑像麟

德二年自內出王玄策取到西域所圖菩薩像為

樣 巧兒張壽宋朝塑王玄策指揮李安貼金 東間彌勒像 張智藏塑即張壽之弟也

陳永承成 西間彌勒像 寶弘果塑已上三處像光及化生等並是劉爽刻 殿中

門西神 寶弘果塑 殿中門東神 趙雲質塑今謂之聖神也 此一殿功

德並妙選巧工各騁奇思莊嚴華麗天下共推

西禪院殿內佛寺并山 並寶弘果塑 東禪院般若臺內

佛事中門兩神大門內外四金剛并獅子崑崙各

二并迎送金剛神王及四大獅子兩食堂講堂兩

聖僧 已上並是寶弘果塑 大殿內東西面壁畫 劉行臣描 維摩詰

盧舍那 並劉行臣描趙龕成自餘並聖府亡後劉茂德皇甫節共成 法華太子

變 劉茂德成即行臣子 西壁西方佛會 趙武端描 十六觀及閻羅

王變 劉祖阿描 西禪院北壁華嚴變 張法受描 北壁門西一

間佛會及山水何長壽描人物等張法受描東西兩壁

西方彌勒變并禪院門外道西行道僧並神龍後

董忠禪院內西廊壁畫開元十年日藏月藏經變王韶應描

及報業差別變吳道子描翟琰成罪福報東禪院

殿內十輪變武淨藏東壁西方變蘇思忠描殿間菩

薩及內廊下壁武淨藏講堂內大寶帳開元三

淨起樣隨隱等是張阿軌生銅作天后大香爐高

並蠟樣是李正王兼亮郭兼子又大金銅香爐毛婆羅樣後更加木

尺重二千斤又大金銅香爐座及須彌山浮跌等

高一丈二尺金銅幡十三口長一丈二尺張李八寫并成畫絹

幡十三口金銅脚長一丈二尺張李八寫并成大院

紗廊壁行僧中門內已西並趙武端描惟唐三藏是劉行臣描亦成中

門內已東五僧師奴第六僧已東至東行南頭第

二門已南並劉行臣描已北並趙中門西邊紗廊

外面並聖曆已後劉茂中門內立神大門內坐神

並劉行臣描中門東立神及神之東西兩鬼聖曆後有

令何長壽描却欲重描神英京兆黨何生洛下衆

僧黨劉行臣時人以何生雖善山水至于畫神不

知劉為關東獨步與西京長壽齊名洛下之意抑

何進劉不許神英之請還遣行臣之子茂德續其

父畫今中門東神及兩鬼腰其日藏月藏經變有

病龍又妙於福先寺者殿內則天真山亭院十論

經變華嚴經並武靜藏畫龍王面上蜥蜴及懷中

所抱雞尤妙山亭院北及門樓內兩廂震亶支提

二神並劉行臣畫今暗第二門東神亦行臣畫今

暗彥遠遊西京寺觀不得遍惟敬愛寺得細探討故為詳備

龍興寺西禪院殿東頭展畫八國王分舍利

大雲寺門東兩壁鬼神佛殿上菩薩六軀淨土經閣

上婆叟仙並尉遲畫黃犬及鷹最妙

弘聖寺陳靜眼張志畫

昭成寺西廊障日西域記圖楊廷光畫 三門下護

法二神張尊禮畫 香爐兩頭淨土變藥師變程

遜畫

聖慈寺西北禪院程遜畫本行經變維摩詰并諸功

德楊廷光畫

弘道觀東封圖是吳畫兩京記乃云非名手畫誤也

城北老君廟吳畫杜甫詩云五聖聯龍袞千官列鴈

行畫手看前輩吳生獨擅場

光嚴寺裴孝源云有董伯仁畫

天女寺裴云有展畫今不見

已上東都

會昌五年武宗毀天下寺塔兩京各留三兩所故名
畫在寺壁者唯存一二當時有好事或揭取陷於壁

已前所記者存之蓋寡先是宰相李德裕鎮浙西創立甘露寺唯甘露不毀取管內諸寺畫壁置於寺內大約有

顧愷之畫維摩詰在大殿外西壁

戴安道文殊在大殿外西壁

陸探微菩薩在殿後面

謝靈運菩薩六壁在天王堂外壁

張僧繇神在禪院三聖堂外壁

張僧繇菩薩十壁在大殿兩頭

張僧繇菩薩并神在文殊堂外壁

展子虔菩薩兩壁在大殿外

韓幹行道僧四壁在文殊堂內

陸曜行道僧四壁在文殊堂內前面

唐湊十善十惡在三門外兩頭

吳道子僧二軀在釋迦道場外壁

吳道子鬼神在僧伽和尚南外壁

王陀子須彌山海水在僧伽和尚外壁

顧畫維摩詰初置甘露寺中後為盧尚書簡辭所取寶於家以匣之大中七年今上因訪宰臣此畫遂詔壽州刺史盧簡辭求以進賜之金帛以畫示百寮後收入內

述古之祕畫珍圖

古之祕盡珍圖固多散逸人間不得見之今粗舉領袖則有

龍魚河圖

六甲隱形圖

五帝鈎命決圖

孝經祕圖

孝經左契圖

孝經雌雄圖

遁甲開山圖

甘泉宮圖 漢武

漢麟閣圖 武帝一 宣帝一

鴻都門圖 孔聖七 十子

西王母益地圖 舜

南都賦圖 戴安道

雲漢圖 劉棻

黃帝明堂圖 漢武

五嶽真形圖 漢武

韓詩圖 十四

論語圖 二

蚩尤王子兵法營陣圖

魯班攻戰器械圖

黃帝攻法圖

伍胥水戰圖

吳孫子兵法雲氣圖

五星八卦二十八宿圖

十二星宮圖 三

日月交會九道圖

分野璇璣圖 八

望氣圖 一

河圖 十二又 八卷

詩緯圖 一

春秋圖 一

孝經讖圖 十二

浸潭泥圖 七

八卦八風十二時二十八宿音律圖 十一

周公成壞吉凶圖 一

妖怪圖 四

相宅園地圖 一

黃帝樊薛許氏相圖 一

陰陽宅相圖 一

馬像圖

三王相鷹圖 一

療馬百病圖 四

老子黃庭經圖 一

大蒐神芝圖 十二

黃帝昇龍圖 一

山海經圖 六又鈔圖一

太史公漢書圖

八又漢記圖三太史公盡二十八人

大荒經圖 二十六

河圖括地象圖 十一

天地郊社圖

諸鹵簿圖 不備錄篇日至多

古聖賢帝王圖 六二又

古瑞應圖 二

魏帝所撰雜畫圖 一

魏順應圖 四十

大駕鹵簿圖 三

明帝太學圖 三

列仙傳圖 一

搜神記圖 四

百國人圖 一

地形圖 張衡

地形方丈圖 裴秀

孫子八陣圖 一

太一三宮用兵成圖 二

渾天宣夜圖 各一

日月交會圖 一玄注鄭

章賢十二時雲雨氣圖 一

十二屬神圖 一

神農本草例圖 一

周禮圖 十四

周室王城明堂宗廟圖

江圖 三劉氏又張氏

吳孫牝牡八變陣圖 二

黃石公五星圖 一

占日雲氣圖 京兆夏氏魏氏等並有

吳帝
守京
圖九

二十八宿分野圖 一 風角五音圖

三禮圖 十卷阮謙等撰又十二卷隋文帝開皇二十年勅有司撰左武侯執旗侍官夏侯朗畫

忠孝圖 二十卷唐故涼州都督李襲譽撰貞觀三年撰奏上嘉之并傳贊

爾雅圖 上下兩卷陳尚書令江灌字德源至武德中為隋州司馬并著爾雅贊二卷音六卷

漢明帝畫宮圖 五十卷第一起庖犧五十雜畫贊漢明帝雅好畫圖別立畫官詔博洽之士班固賈逵輩取諸經史事命上方畫工圖畫謂之畫贊至陳思王曹植為贊傳

益州學堂圖 十畫古聖帝賢臣七十子後代又增漢晉帝王名臣蜀之賢相牧守似東晉時人所撰

魯廟孔子弟子圖 五是魯國廟堂東西廂畫圖

傳國璽圖 一姚察撰并記

洛陽圖 一名陽宮圖狀楊佺期撰

區宇圖 一百二十八卷每卷首有圖虞茂氏撰

職貢圖 一外國西渠諸番土俗本末仍各圖其來貢者之狀金樓子言之梁元帝畫

中天竺國圖 有行記千卷圖三卷明慶三年王玄策撰

祥瑞圖 十卷起天有黃道失撰者 符瑞圖 十卷行日月楊光并集孫氏熊氏圖

白澤圖 一卷三百二十事出抱朴子黃帝巡東海而遇之

古今藝術圖 五十卷既畫其形又說其事隋煬帝撰

靈秀本草圖 六起赤箭終蜻蜒源平仲撰

本草圖 二十五其形狀蘇敬撰明慶中事

易狀圖 一 靈命本圖 一

辯靈命圖 二

右略舉其大綱凡九十有七尚未盡載

歷代名畫記卷第三

此處為正文內容，因字跡模糊，難以辨認。可見其為多欄式排版的傳統文獻。

